



10. maj 2022

ISSITTUMI PIGINNAASANUT ATAATSIMoorUSSANUT
TUNNGAVIIT PILLUGIT NUNANUT ALLANUT
INUUSSUTISSARSIORNERMUT NIUERNERMULLU
NAALAKKERSUISOQ AAMMA ILLERSORNISSAMUT MINISTERIP
AKORNANNI ISUMAQATIGIISSUT

Illersornissaq pillugu missingersuutit 2023-mi qaavatigut 1,5 mia. kr.-inik suli pitsaanerulernissaat pillugu 2018-2023-mut illersornissaq pillugu isumaqatigiissummut ilassutitut isumaqatigiissut Danmarkimi naalakkersuisut 2019-mi akuersissutigaa. Isumaqatigiissummit takuneqarsinnaavoq isumalluutit qanoq atorneqarnissaannut erseqqinnerusumik aalajangersaanissamut sulineq aallartinneqassasoq. Sulinerup taassuma kingunerisaanik Issittumi aamma Atlantikup Avannaani suliassanik aaqqiinerit pitsaanerulernissaannut isumalluutit atorneqarnissaat pillugu aalajangiisoqarpoq taaguuteqartoq "Issittumi piginnaasat ataatsimoorussat".

Isumaqatigiissummi issittumi piginnaasani ataatsimoorussani immikkoortut allaaserineqarput, tassaasut Issittumi aamma Atlantikup Avannaani Illersornissaqarfiup piginnaasaasa pitsaanerulersinnissaat, Naalakkersuisut aamma Illersornissamut ministerip isumaqatigiissutigisaat. Tassunga atatillugu erseqqissarneqarpoq immikkoortunut ilaassasut aningaasaqarnikkut sillimaniarnikkullu politikikkut isiginninnerit kiisalu siunissami ungasinnerusumi iluanaarutit. Ataatsimoorutuni piginnaasat Issittumi Illersornissaqarfik aamma Atlantikup Avannaani suliniutaat pitsaanerulersippaat, aamma sakkutuunut innuttaasunullu iluaqutaassallutik, kiisalu naalagaaffeqatigiinni tamani innuttaasunut nalinginnaasumik isumannaatsuunermut tapertaassallutik. Nakkutilliinerup najuunnerullu pitsaanerulersup aamma kingunerissavaa Kalaallit Nunaanni eqqaanilu umiartornikkut isumannaannerup qaffasinnerulernera.

Nalinginnaasumik kissaatigineqarpoq aningaasaliinerit nutaat Kalaallit Nunaanni kalaallit suliffissuunut ikorfartuullutillu siuariarnermik pilersitsissasut, tassunga ilanngullugit sumiiffinni suliffinnik pilersitsineq, nunaqavissuanik sulisinnaasunik atuisut. Naliliisoqarpoq Kalaallit Nunaanni pilersinneqartuni piginnaasani tamani Kalaallit Nunaanni suliffinnik nutaanik 20-it missaannik pilersitsisoqarumaartoq, annerusumik Nuummi aamma Kangerlussuarmi. Aammattaaq Kalaallit Nunaanni ilinniartitaanerup nutaap siuarsassallugu ilinniagaqareernerup kingorna nunaqavissut amerlanerusut Illersornissaqarfimmi maannakkut suliffiini atorfinitsinneqarsinnaanerat.

Danmarkimi naalagaaffimmi oqartussat EU-mi suliariumannittussarsiuussinermi malittarisassanik malinnittussaapput, tassunga ilaatigut ilanngullugu suliariumannittussarsiuussinermi inatsit, EU'p suliariumannittussarsiuussinermi peqqussutaanik atulersitsisoq, aamma EU'p Illersornissamut Sillimaniarnermullu peqqussutaa, tassanilu apeqqutaanani pisineq aalajangersimasoq Kalaallit Nunaanni pilersinneqarneris, EU-p suliariumannittussarsiuussinermi malittarisassaanik malinnittussaangitsoq. Killigisassatut nalit atuuttut ataanni pisinerni suliffeqarfinniit

neqeroorutiniq pissarsiniartoqassaaq, tassunga ilanngullugit kalaallit nunaanni suliffeqarfiit, suliammut aalajangersimasumut atatillugu tulluurtutut nalilerneqartut.

Suliariumannittussarsiuussinermi sulinerit pisariusinnaammata suliariumannittussarsiuussinermi peqataanissamut suliffeqarfiit mikisut akunnattumillu angissusillit periariarfissaat pitsaanerulersinniarlugit Illersornissaqarfik suliaqassapput. Illersornissaqarfiup Suliffissuarnut Allaffiat, danmarkimi naalackersuisut Open For Business strategimi sinaakkusiussaanni, Atortussanut Pisiniarnermullu Aqutsisoqarfiup suliariumannittussarsiuussinerni neqerooruteqarnissamut soqutiginnissinnaasunik suliffeqarfinni ilitersuussinissamut ikiuutissapput.

Illersornissamut Ministereqarfiup Illuutinut Aqutsisoqarfia aamma suliffeqarfittut qanoq neqerooruteqarnissaq pillugu Nuummi ilisimatitsissaaq, tassunga ilanngullugu tunngaviit naammattut inissippata Kalaallit Nunaanni suliniutit eqqarsaatigineqartut pillugit. Ilisimatitsineq Sulisitsisut suleqatigalugit naammassineqarsinnaassaaq, aamma video atorlugu ataatsimiinnermi peqataanissamut periarfissaqassalluni.

Suliariumannittussarsiuussinermut atortussat tassungalu ilaatigut ilanngullugit suliariumannittussarsiuussinermi piumasaqaatit suliarinissaat sioqqullugu Naalackersuisut ilanngutitillugit niuerfisumik misissuisoqassaaq. Suliatigut tulluurtuuneq naleqquttuunerlu nalilerneqarpat issittumi pissutsinik ilisimasaqarneq imaluunniit nunami issittumi pilersaarutiniq suliaqarnermik misilittagaqarneq suliariumannittussarsiuussinermi ilaatinneqassapput.

Kalaallit Nunaanni suliffeqarfiit piginnaasanik pilersitsinermut atasunik suliammut neqeroorsinnaassapput, tassunga ilanngullugit assersuutigalugu pisineq, toqqavissanik sananeq, illut, teknikkikkut ikkussukat ingerlaavartumik ingerlatsineq, tak. siuliani eqqaaneqartut peqqussutit. Pilersuisussanik siumoortumik toqqaasoqarnissaanut inatsisitigut tunngavissaqanngilaq. Naliliisoqarporli Kalaallit Nunaanni suliffeqarfinni piginnaasanik arlalinnik pissarsinissamut periarfissaqassasoq, tassa Kalaallit Nunaanni sulianik ingerlataqarnermut naleqqiullugu taakku immikkut ilisimasaqarmata.

Suliniutit atulersinneri atorfilittat suliatigullu immikkut ilsimasallit peqataanerini akuttunngitsumik ataatsimiittarnerni eqqartorneqartassapput, soorlu aamma politikikkut ataatsimiinnermi suliniutini siumukarneq pillugu nalunaarusiortoqartassasoq.

Issittumi aamma Atlantikup Avannaani nakkutilliinermik aamma namminersortuunermik illersuinerup kivinneqarnissaanut Illersornissaqarfik pinnaassusianik piginnaasat ataatsimoorussat pitsaanerulersitsinerat ilaatigut Issittoq pillugu 2016-mi misissueqqissaarnermut aamma Illersornissaqarfiup Kangerlussuarmi siunissamut atuinissat pillugu 2019-mi tunngaviummik isumaqatigiisummut atatillugu isigineqassaaq. Taassuma nanginnerani erseqqissarneqassaaq Issittumi Piginnaasanut Ataatsimoorussanut sinaakkusiussat avataani Air Greenlandip timmisartua qanoq atorneqassanersoq, taarsiullugulu isumaqatigiisuteqarnissaq siunertaralugu Illersornissaqarfiup nalinginnaasumik ingerlatsinikkut sinaakkusiussat iluanni.

Ammattaaq naatsorsuutigineqarpoq Kalaallit Nunaanni mittarfiit nutaat ammannerisa kingorna Kangerlussuarmi mittarfimmik Illersorsiqarfiup suli atuinissaannut 2022-ip qiteqqunnerani ataatsimoorussamik isumaqatigiissusiortoqarsinnaasoq. Taanna Illersornissaqarfiup kiisalu kalaallit nunaata Kangerlussuarmi Mittarfimmik

pisariaqartitsinerannik aallaaveqassaaq. Illersornissamut ministereqarfimmi sinaakkusiussat iluanni Kangerlussuarmi mittarfiup iluarsaannissaanut aningaasanik immikkoortitsisoqarpoq.

Illersorneq pillugu isumaqatigiilernissap tulliuttup piareersarnerani Naalakkersuisut ilanngutitinneqarnissaat pillugit isumaqatigiittoqarpoq, tamannalu 2022-mi majip naanerani immikkut isumaqatigiissusiornikkut aaqqissuunneqassalluni.

Morten Bødskov
Illersornissamut ministeri

Vivian Motzfeldt
Nunanut Allanut, Inuussutissarsiornermut
Niuernermullu Naalakkersuisoq

Ilanngussaq 1

Ataaniippoq piginnaasat suliniutillu piginnaasat ataatsimoorussaniittut pillugit tamakkiisumik takussutissiaq.

Piginnaasat suliniutissallu	Oqaaseqaatit	Piginnaasani ataatsimoorussani pisinerit
<p>Ungasissumut ingerlasinnaasut nakkutilliinermi drone't Issittumi aamma Atlantikup Avannaani imarujussuarmik nunarujussuarmillu nakkutilliinermi qaammataasat, drone't timmisartullu atorpeqassapput. Drone't aamma avatangiisinik nakkutilliinermi aamma ujaasinernut annaassiniarnernullu atatillugu atorpeqarsinnaapput, sumiiffimmi ataatsimi tiimerpassuarni tassaniissinnaallutik. Drone't annerusumik Issittumi aamma Atlantikup avanaani suliaqassapput, kisianni aamma, soorlu Illersornissaqarfiup piginnaasai allat assigalugit, tamatumunnga pisariaqartitsisoqalernerani sumiiffinni allani atorpeqarsinnaallutik. Drone'nik qanoq ittunik toqqaanissamut piumasaqaat tassaavoq issittumi suliaqarsinnaanera.</p>	<p>Annaassiniarluni avatangiisinilu suliniutit pitsaanerulersinnerisigut isumannaallisaaernerup qaffasinnerulerneranut iluaqutaallutik. Drone't Danmarkimi aamma Kalaallit Nunanani tunngaveqassapput, tassa aqutsineq aserfallatsaaliinerlu il.il. Danmarkimi ingerlanneqassammata. Kalaallit Nunaanni atortut najukkani suliffinnik pilersitsissapput. Soorlu aamma kalaallit nunaanni suliffeqarfiit pilersitsinermut ingerlatsinernullu atatillugu suliassanut neqerooruteqarsinnaasut, tak. EU'p suliariumannittussarsiuussinermi peqqussutat kiisalu EU' Illersornissakkut Isumannaalisaaanikkullu peqqussutai.</p>	<p>750 mio. kr.</p>
<p>Qaammataasakkut nakkutilliineq Qaammataasat aqcutini eqqortuni aallartinneqartut aamma Illersornissaqarfik aallernissamut pisariaqartitaannut tulluarsarneqarsimasut Issittumi aamma Atlantikup Avannaani qaammataasakkut nakkutilliinerup pingaaruteqarnera sunniuteqarneralu qaffassavaat.</p>	<p>Pissutsit pillugit assip nutarterneqarnissaanut periarfissat pitsaanerulernerisigut Kalaallit Nunaanni innuttaasunut isumannaannerup qaffannissaanut tapertaassapput.</p>	<p>85 mio. kr.</p>
<p>Nunami tigooraavik Sakkutuunut nunami tigooraavimmik pilersitsineq Issittumi Sakkutuunut</p>	<p>Annertunerusumik isumannaatsuunermut iluaqutaassaaq.</p>	<p>40 mio. kr.</p>

<p>attaveqaatikkut atassutilik. Qaamamtaasakkut nakkutilliinermi paasissutissanik tigooraanermik kinguaattoorneri annikillisinnaannut periarfissaq.</p>	<p>Pilersitsinermut atatillugu suliassanut Kalaallit Nunaanni suliffeqarfiit neqerooruteqarsinnaapput, tak. EU'p suliariumannittussarsiuussinermi peqquusut kiisalu EU' Illersornissakkut Isumannaalisaanikkullu peqquusutai. Inissinnera pilersitsinermut atatillugu Naalackersuisut aamma Illersornissamut ministereqarfiup akornanni eqqartorneqassaaq.</p>	
<p>Qaammataasatigut attaveqaatit Qaammataasatigut attaveqaatini sukkasuunik aningaasarsiutaasunik pisigallarnerit, sakkutooqarnikkut patajaannerusunik aaqqiinernik peqalernissaata tungaanut.</p>	<p>Piginnaasat sinneruttut pisariaqartumik pitsaanerulernerit. Aallaaviatigut maannakkut aaqqiinerit annertusineqassapput, tassa pisariaqartitsineq nunarsuaq tamakkerlugu atorneqassammat. Periarfissaqarnikkut pilersitsinermut atatillugu kalaallit nunaanni suliffeqarfit suliassamut neqerooruteqarsinnaapput, tak. EU'p suliariumannittussarsiuussinermi peqquusut kiisalu EU' Illersornissakkut Isumannaalisaanikkullu peqquusutai.</p>	(ingerlatsineq)
<p>Kalaallit Nunaanni sinerissami radarit (marluk) Kalaallit Nunaanni imaatigut angallaffinni eqiteruffiunerpaanik nakkutilliissapput.</p>	<p>Qaffasinnerusumik isumannaatsuunermik iluaqutaassaaq, tassunga ilanngullugit Sakkutuunut kalaallillu nunaanni innuttaasunut umiarsuakkut isumannaatsuuneq. Pilersitsinermut atatillugu suliassanut kalaallit nunaanni suliffeqarfiit neqerooruteqarsinnaapput, tak. EU'p suliariumannittussarsiuussinermi peqquusut kiisalu EU' Illersornissakkut Isumannaalisaanikkullu peqquusutai. Inissinnera pilersitsinermut atatillugu Naalackersuisut aamma</p>	20 mio kr.

	Illersornissamut ministereqarfiup akornanni eqqartorneqassaaq.	
Umiarsuarni atugassat drone't mikinerusut Umiarsuit naammineq maluginiutaasa angusinnaasaata avataani sumiiffinni ujarutinermut atorineqassapput.	Annaassiniarluni avatangiisinilu suliniutit pitsaanerulersinnerisigut isumannaallisaanerup qaffasinnerulerneranut iluaqutaallutik.	60 mio. kr.
Misissueqqissaarnermi piginnaasap pitsaanerulernera Nakkutilliinermi naalagaaffiup isertortumik paasiniaasuini paasissutissat suliarineqarneri, tassunga atatillugu Issittumi Sakkutuuni taakkuninnga ingerlatitseqqinneq.	Qaammataasakkut assit pitsaanerusut pilersinnerisigut isumannaallisaanerup qaffanneranut iluaqutaasoq. Nuummi Issittumi Illersornissaqarfik annikitsumik pitsaanerulerinik kinguneqartoq. Atorfinnut qinnuteqarnissamut periarfissaqartut najukkani sulisinnaasut piukkunarsarsinnaaneri.	20 mio. kr.
Periaasissatigut nalilernerqartut attaveqaatit Nammineq iligisanilu immikkoortut akornanni isumannaatsumik attaveqarneq pissutsinik assimik pitsaanerusunik pilersitsissaaq.	Pissutsini assit pitsaanerusut pilersinnerisigut isumannaatsuunerup qaffanneranut iluaqutaassaaq.	40 mio. kr.
Kalaallit Nunaanni ilinniartitaanerit Sakkutuuni atorfinnissamut kalaallit periarfissaqarnerisa pitsaanerulernerit.	Ilanngussaq 2 takuuk.	50 mio. kr.
Sungiusarluni ingerlatat	Illersornissaqarfiup aamma kalaallit nunaanni oqartussat akornanni suleqatigiinnerup pitsaanerulerneranut iluaqutaasoq. Tunngaviuvoq kalaallinit akuerineqarnera. Upalungaarsimanermi isiginiagaq isumagineqassaaq, tassa sungiusarnerit aamma iligisanik nalinginnaasumik suleqateqarnermik isumaginnissammata.	35 mio. kr.
Qaammataasaqarnikkut piginnaasanut immikkoortitat Qaammataasaqarnikkut nunami piginnaasat aalajangiussimanissaannut	Kalaallit Nunaanni piginnaasat suliassaqarfiup iluani atorineqarsinnaapput.	10 mio. kr.

<p>ineriartortinnissaanullu atugassat immikkoortitat, tassunga ilanngullugit Kunngaqarfimmi silaannarmut tunngatillugu suliffissuarnik, nutaaliornermik silaannarlu pillugu ilisimatusarnerup ineriartortinneri.</p>		
<p>Illersornissaqarfiit qullersaqarfiini Canadami aamma Norgemi sakkutuuni atassuteqarnermut officerit Canadamik aamma Norgemik sakkutooqarnikkut suleqatigiinnerit pitsaanerulersillugit. Sakkutuuni aaqqissuussinernut ilanngutissaaq, politikikkut inissisimaffiunani.</p>	<p>Isumannaallisaanermut il.il. atatillugu issittumi iligiinnik suleqatigiinneq tapersersorpaa.</p> <p>Paasissutissat attuumassuteqartut politikikkullu oqariartuutaasinnaasut Naalakkersuisunut ataqatigiissarneqassapput. Issittumi Sakkutuut pisortaat akuttunngitsumik tamanna pillugu ingerlatat pillugit ilisimatitsiniarluni Nunanut Allanut Naalakkersuisoqarfimmi pisortamik ataatsimeeqateqartassaaq.</p>	<p>(ingerlatsineq)</p>
<p>Kalaallit Nunanani ilisimatusarfinnik suleqateqarneq</p>	<p>Kalaallit Nunaanni Illersornissaqarfiup suliassaannik naammassinninnermut atatillugu kalaallit nunaanni ilisimatusarfinnik Illersornissaqarfiup atuinerisa qaffannera.</p> <p>Illersornissamut ministereqarfik Asiaq'mik kiisalu Nasaffik'mik suleqatigiinnissamik isumaqatigiissusiussaaq, tamanna pillugu ilisimatusarfinnik toqqaannartumik isumaqatiginninniutigineqartussat.</p>	<p>(ingerlatsineq)</p>
<p>Air Greenlandimik suleqateqarneq Annaassiniarnermi assartuinermilu suliassat pillugit Air Greenlandimi suleqateqarnerup pitsaanerulenera.</p>	<p>Assartuinermi suliassatigut tapertaanissamut pisariaqartitsineq qulaajarneqassaaq. Sulineq naatsorsuutigineqarpoq 2022-mi ukiup affaata siulliup ingerlanerani aallartinneqassasoq.</p>	

Ilanngussaq 2

Tunngaviumik Ilinniartitaanerup allaaserinera

Kalaallit Nunaanni ilinniartitaanerup nutaap pilersinneqarneranut tunngatillugu suleqatigiissitaq

Oqartussat peqataasut:

- Nunanut Allanut Naalakkersuisoqarfik
- Ilinniartitaanerup, Kultureqarnerup, Timersornerup Ilageeqarnermullu Naalakkersuisoqarfimmit,
- Nunalerinerup, Imminut Pilersornerup, Nukissiuuteqarnerup Avatangiisinullu Naalakkersuisoqarfik
- Illersornissamut ministeriaqarfik

Suleqatigiissitaq ilinniartitaanikkut pingaarnertigut allaaserinninneranut missingiut:

Siunertaq

Ilinniartitaanermi siunertaq tassaavoq Kalaallit Nunaanni upalungaarsimanikkut suliassanik aqqiinnissamut sammisumik tunngaviumik ilinniartitaanermik Kalaallit Nunaanni innuttaasut neqeroorfiginissaat peqatigisaanillu Sakkutuuni, Upalungaarsimanerup Aqutsisoqarfimmi kiisalu Kalaallit Nunaanni upalungaarsimanermi oqartussani ilinniaqqinnissamut periarfissiisoqarluni.

Ilinniartitaanermi najukkani qatserisartut, Politiit, Illersornissaqarfiup aamma Peqqinnissaqarfik suleqatigalugit innuttaasunut tapertaanissamut piginnaasat samminissaat.

Aammattaaq Kalaallit Nunaanni aamma Danmarkimi inuussutissarsiutinut ilinniartitaanermi tigupeqarnissamut tunngavinnik pilersitsisunik piginnaasanik pissarsinissamut periarfissaqarpoq.

Siunnerfiit

Innuttaasut ilinniartitaanerup aallartinnerani 18-inik ukioqalersimasut, "inuusuttut¹ (18-25-nik ukiullit)" immikkut isiginiarlugit.

Ilinniarfimmi inissat amerlassusii

Ukiutum ataatsimut inissat 20-t tikillugit pilersaarummi tunngavigineqarpoq. Dette er skalérbart, idet dog at min. Taanna uuttuutiginneqarsinnaavoq, tassa atuartut ikinnerpaamik 12-nissaat anguniarneqarmat.

Tunngaviumik ilinniartitaaneq atuartunik aqqaneq marlunnik ikinnerusunik atuortoqarluni naammassineqarpat tamanna isumalluutitigut ilinniartitaanikkullu ajortumik kinguneqassaaq.

Ilinniartitaanerup inissisimanagera

Ilinniartitaaneq Kangerlussuarmi naammassineqarsinnaavoq, kiisalu atortut immikkut piimasaqaatigineqartut.

¹Naatsorsueqqissaartarfiup inuusuttuni siunnerfigineqartu nassuiarpai tassaasut inuusuttut 16-it aamma 25-it akornanni ukiullit, ilinnialersimanngitsut imaluunniit sulilersimannngitsut. Ilinniartitaanerup imarisaa pissutigalugu ilinniartitaanerup aallartinnerani atuartut 18-inik ukioqalersimanissaat tunngavigineqarpoq.

Sivissusaa

Qaammatini tallimani atuartinneqarneq, kingornalu qaammatini pingasuni suliffimmik misiliinermik malitseqartoq assersuutigalugu sakkutuuni imarsiortut umiarsuaanni imaluunniit Issittumi Illersornissaqarfiup suliffigisaanni. Tamatumunnga piginnaasaqarpat soqutiginnittoqarpallu sakkutuujunngitsut oqartussat aqqiinerisigut assersuutigalugu sakkutuujunngitsut upalungaarsimanermi oqartussani imaluunniit Kalaallit Nunaanni peqataasuni allani suliffimmik misiliisoqarsinnaassaaq.

Imarisassanut assersuutit

- Ikuallanneq, avatangiisit annaassiniarnerlu, tassunga ilanngullugit pinngortitami ikuallannernik passussineq
- Ikiueqqaarneq
- Politiinut ikiuineq
- Timimik sungiusaaneq
- CBRN ilinniartutaaneq (kemisk, uumassusillit, radiop qinngorneri, atormimillu akullit)
- Sumiissutsimik iliniarneq
- Annaassiniarneq
- Imarsiorsinnaaneq
- Umiarsuit umiunerini ilinniartitaaneq pujuliornernut isersinnaasut
- Kalerrisaarinerni kiffartuussineq
- Ikaartarfiliorneq siunertaralugu Kalaallit Nunaanni inuussutissarsiutigalugu ilinniartitaanernut aallarniuteqarneq
- Aallaaniarnermi sakkulerinermilu iliniarneq
- Paarsineq
- Akerleriinnernik passussineq aamma suleqatigiinneq

Iikkagaqarnikkut piginnaasatigullu pissarsiat

Atuartut tunngaviumik ilinniartitaanermik tamakkiisumik naammassinnittut ukuninga piginnaasaqalissapput:

- Assersuutigalugu annaassiniarnermi atortuni imarsiornermi ilinniartitaaneq
- Tunngaviumik umiarsuarmi pujuliornernut isersinnaanermut ilinniartitaaneq
- Avatangiisinik passussineq aamma CBRN
- Tunngaviumik angallatilerisinnaaneq
- Ikiueqqaarnissamut allagartaq (timikkut tarnikkullu kiisalu uummatip aallartinnera)
- VHF radiomi pikkorissarneq
- Kalaallit Nunaanni biilersinnaanermut allagartaq
- ...

Aammattaq isumaliutigineqarsinnaavoq qulaani allasimasut atuartitsissutini dansk, matematik, fysik aamma tuluttoornermi 9. - 10. klassinisut qaffasitsigisumik atuartitsinermik ilaneqarsinnaaneri. Kiisalu politiinut taartissatut ilinniartitaaneq Kalaallit Nunaanni politiini ingerlanneqarsinnaanersoq, aallarniutaasumik qatserisartutut ilinniartitaaneq Kalaallit Nunaanni qatserisarfinni kiisaalu Suliffeqarfini ilinniartitaanernik pikkorissarnerit ingerlanneqarsinnaanersut misissorneqarsinnaavoq.

Taakku saniatigut Sakkutuuni aamma Upalungaarsimanermut Aqutsisoqarfimmi iliniartitaanerni ingerlaqqiffiusuni piukkunnaateqalernissaq siunertaralugu unnukkat danskisut atuartitsineq neqeroortigineqarsinnaavoq.

Piginnaasat piumasarineqartut ilai assersuutigalugu peqqissaasutut imaluunniit politiinngorniat ilinniarfianni isissutaasinnaanersut pillugit peqqinnissaqarfiup upalungaarsimanerullu iluini ilinniartitaanernik neqeroorteqartut oqaloqatiginerisigut tamanna paasiniaaffigineqarsinnaavoq.

Piffissaq suliffimmik misiliineq nammineq toqqagassaavoq. Piginnaalersitsisunik piginnaasanik peqalersingilaq. Suliffimmik misiliinerup ingerlanera atuartut piginnaasatigut qaffasissusiata patajaallisarnissaa siunertaralugu aqunneqartumik ingerlaqqiffiusutut isigineqassaaq. Taamaalilluni suliffimmik misiliinerup naammassinerata kingorna atuartuq Sakkutuuni imaluunniit kalaallit nunaanni upalungaarsimanermi tamarmi atorfeqalernikkut isernissamut pitsaanerusunik tunngaveqalissaaq imaluunniit Kalaallit Nunaanni imaluunniit Danmarkimi inuussutissarsiutinut ilinniartitaanermi aallartilluni.

Aningaasaqarneq

Ilinniarnepup ingerlanerani Illersornissamut ministereqarfimmiit atuartut akissarsiaqassapput. Akissarsiat sakkutuunngorniartut akissarsiaannut kiisalu nerisaqarnermut ajunngitsorsianut akigititanut assersuunneqarsinnaassapput. Tassunga ilanngutissapput aallarnepup angerlarnepupullu tulluarnepup annertussuseqartumik aningaasalersuineq.